

潜確居類書

六十九 吉禮



三十五

032.
Ti282s



032

Ti282A



238211

潜確居類書目錄卷之六十九

藝習部五 禮五

吉禮四

歷代帝王名臣
祈禱
沐浴
祭服
祝史
薄祭
不祀

薦

藉田

犧牲

餽

淫祠

功臣配享
食祭
黍稷

包茅

歸胙
贖祀

齋戒

親蚕

祭器

脩廢祀

逆祠

歷代聖帝名賢廟

總

祠帝堯

祀成湯

祠黃帝

祠虞舜


祀臯陶

藝習部

卷六十九

藝習部

一



祀信陵

祀子胥

祀蕭霍

祠文召

祀桓譚

祠武侯

祠橋玄

功臣配享

總

驚冕

祈禱

求福

祈祥

禱宗周

祈黃耆

憂百姓

念兆民

黃氣墮室

白龍降祠

作詞以通

告訴以通

神仙請吉凶

仙室禱風雨

非令而禱法不立

釋勢與民民不用

薦

總

開冰

薦鮪

登穀

以仲月


如朔奠

羞含桃

獻櫻桃

以蕘嘗麥

以大嘗麻



薦韭薦稻

配羊配豚

玄保珍新

張冲菜果

食祭

魚祭

瓜祭

後君祭

先客祭

慶封汎祭

太祝辨祭

水漿不祭

殺進徧祭

蔬食不祭

齋戒

恭默

總

變食

誠信

遷坐

十日

三日

齋冠

齋車

授師

拜將

訖嗜慾

思志意

七日散

三日致

齋六日

齋五日

顯不敬

子所慎

收妻獄

奏妻罪

不樂不吊

定之齋之

齋而學道

齋以送壁

道乃可成

神光顯著

顏回不飲酒

周澤臥齋宮

沐浴

總

去垢

進飲

沐稷

沐創

髮晞

心覆

握髮

捉髮

膏沐

羸浴

涸浴

沐咸池

濯陽谷

浴蘭湯

履蒯席

浴乎沂

浴同川

彈冠振衣

燂湯燂潘

耕藉

總

事天

祈社

教養

致敬

省功

勞酒

饗醴

賜食

三推

千畝

千耦

萬轡

青幘

紺轆

青壇

華畢

給宗廟

事社稷

司農掌

甸師掌

戒農用

具田器

降靈壇

脩帝藉

侯知敬

史奉禮

皇后獻種

太史順時

農正陳禮

司空除壇

埜廬埽路

百官御事

庶民必從

置耒軾上

耕田宮中

發趾千畝

帥先萬國

親祭之義

勸農之道

周宣不藉

漢文開藉

黍稷

薌合

明粢

薌萁

嘉蔬

豐備

鮮潔

非馨

不鑿

神倉

御廩

終禮

名物

陳簋簋

實籩豆

明水滌

甸師供園

廩人供接盛

春人供米物

親蠶

蠶館

總

三灑

三線

服青縹

載筐鈎

幸蠶館

置織室

蠶於北郊

采桑東郭

身致誠信

分繭稱絲

祭服

祭服

虞靴

虞靴

般嘏

玄冕

黃冠

紺網

被袞

給服

明衣

尸服

舜始作

禹致美

稷不釋

敝則焚

絳衣從事

單衣饋饌

犧牲

黃民

以純

以駢

尚赤

貴誠

用特

餼羊

辰牡

駢剛

駢角

白牡

牢禮

餼牽

帝牛

公牛

肥牛

索牛

柔毛

疏趾

雞牲

羊牲

膾胖

骨臠

腥肆

豚肩

羊肆

肉豆

天產

午割

博碩

柔嘉

羶薌

臠膋

沈埋

伏瘞

祠三

主五

中度

歆神

在滌

納烹

飾牲

善牲

庀牲

夕牲

薦牲

免牲

不愛

不鬻

登首

斷尾

繫三月

芻三月

庖人供

饗人倫

展觴角

無腸胃

無用牝

不用大

不敢加

不相用

死則埋

孕不用

掌割烹

負革肉

用三犧

具二牲

牲則告牲


牛曰大武

爾牲則具

駢牡既備

天子之牛

宗廟之牛



水菹陸醢

牲俎簋實

羔豚皆足

吉則改名

共以待事

口傷改卜

食角改卜

籩豆靜嘉

苾椒馨香

物備陰陽

骨取貴賤

吉蠲為饌

嘉薦普淖

供其水藁

設其楅衡

用馬於墉

用牲於社

苞茅

藉白

包菁

縮酌

裹肉

甸師供

鄉師供

江淮靈物

楚人職貢

祭器

六尊

四豆

六彝

八簋

四璉


六瑚

籩豆

簋簠

觶角

醢斝



瓢齋

登豆

山靄

犧象

雞彝

犧樽

著尊

加邊

黃目

白蜃

作繪

爲雕

有踐

多陳

不假

不設

實陳

滌濯

美備

言約

貢器

造爲先

展告備

閭胥供

有司陳

貧不鬻

敝則埋

敬則用

官不備

供明齊

執邊豆

用兩壺

幕六彝

外缶內壺

上樽下壘


用脩用蜃

貴髀貴肩

朝事之籩

饋食之籩

薦用雕玉



器用陶匏

鳥獸不登

翡翠以飾

主人自徹

婦人不徹

進俎不坐

羞俎於內

籩豆靜嘉

籩豆既設

祭器不踰境

犧象不出門

祝史

於室

將命

薦信

正辭

贊奠

在廟

於室

致告

醕尸

祝嘏

祝號

事鬼神

告慈孝

掌六祈

作六辭

辨六號

辨九祭

祈福祥

遠臯疾

詞無愧

祝有益

不越尊俎

徧取黍稷

祀事孔明

祝史矯舉

宜稼於田

宜穡於房

量人舉授筭

啐酒進聽嘏

餽

不祭

從卑

祭之末

神之惠

君與卿

下餽上

歸胙

受釐

致福

受膳

執膳

宰孔賜

申生歸

親兄弟

賜諸侯

修廢祭

晉脩虞祀

燕祭齊廟

爲立良止

命祀康叔

咸秩無文

靡神不舉

索神求廢

興滅繼絕

薄祭

盡志

能貧

昭儉


薦信

祀無豐昵

菲不廢禮

西隣禴祭

晏子豚肩



物已僕卑

淫祠

不歆

媚竈

祭埜

非類

諂祭

舍神君

漢武禁祠

望祀蓬萊

其不歆

非不歆

無福

卜河

非族

誣祭

用蔡子

周公不享

宮祠黃老

務鬼信巫

宋公祀睢社

季氏旅泰山

瀆祀

神無常享

遠閭而祭

禴祭不如

敬不足也

不祀

無乃殄

身不親涖

不享久矣

君有何福

跛倚以祭


行潦可薦

神其吐之

不其餒

吾不與祭

不祀忽諸




湯征葛伯

晉滅鄆舒

楚讓夔子

潜確居類書目錄卷之六十九 終

潜確居類書卷六十九



藝習部五 禮五

史官陳仁錫明卿父纂輯

吉禮四

歷代帝王名臣 祈禱

功臣配享 薦

齋戒

沐浴

藉田

黍稷

親蚕

祭服

儀牲

包茅

祭器

祝史

餼

歸胙

修廢祀

薦祭

淫祠

黷祀

逆祀

不祀

歷代聖帝名賢廟

總

禮記月令孟春禱祝山川古之卿士有益于人

者


后稷勾龍之類

五經異義公侯祭百辟自卿以下不

替雀類書

卷六十九 藝習部五

聖賢廟



過其族其鬼神之所及其類聚弗紹其國位百辟者百君先有功德于人者今在其位故報祭之○
〔通典〕後魏孝文太和十六年詔曰法施于人祀有明典立功垂惠祭有常式其孟春應祀者頃以事殷遂及今日可令以仲月而享祀焉凡在祀令者有五帝堯樹則天之功興巍巍之治可祀於平陽虞舜播太平之風致無爲之化可祀於廣寧夏禹禦洪水之災達天下之利可祀於安邑周文公制禮作樂垂範萬葉可祀於洛陽其宣尼廟已于中省別勅有司行事自文公以上可令當界牧守各

隨所近攝行祀事皆用清酌尹祭也

曲禮曰脯曰尹祭

○

隋制使祀先代王公帝堯于平陽以契配帝舜于河東咎繇配夏禹于安邑伯益配商湯于汾陰伊尹配文王武王于渭澗之郊周公召公配漢高帝于長安蕭何配各以一太牢而無樂配者享于廟庭○唐前修禮令無祭先代帝王之文禮部尚書許敬宗等奏謹按禮記祭法云聖王之制祭祀也法施于人以死勤事以勞定國能禦大災能捍大患則祀之其漢高祖祭法無文但以前代迄今多行秦漢故事始皇無道所以棄之漢祖典章法垂

于後自隋以上亦在祠例。今請聿遵故實。三年一祭以仲春之月。天寶六載正月制。三皇以前帝王宜于京城內。共置一廟。仍與三皇五帝廟相近。以時致祭。天皇氏。地皇氏。人皇氏。有巢氏。燧人氏。其祭料及樂。請准三皇五帝廟以春秋二時享祭。歷代帝王肇跡之處。未有祠宇者。所繇郡置一廟享祭。仍取當時將相德業可稱者二人配享。

祠黃帝 ○通典漢武帝時有人言古者天子以春解

祠黃帝用一梟破鏡

張晏曰黃帝五帝之首也。春歲之始也。梟惡逆之鳥。

方生虛誕云以歲首破除凶災令神仙之帝食惡逆之物使天下爲逆者破滅梟名食母破鏡名食

父如龜首而武服黃帝欲絕其類使百司皆用焉。漢使東郡送梟五月五日作羹以賜百官解祠者解罪求福也。 ○史記漢武帝本紀武帝北巡朔方勒兵

十餘萬還祭黃帝冢 ○後魏文帝東巡歷橋山祀

黃帝

祠帝堯 ○後漢書章帝詔使者奉太牢致祠唐堯于

咸陽 ○元和春東巡狩使使者奉一太牢祠帝堯

于濟陰

祠虞舜 ○史記始皇出遊於雲夢望祠虞舜于九嶷

山 ○漢書元封五年冬帝南巡狩至於盛唐望祠

虞舜于九嶷

祀成湯○詩序那祀成湯也。微子至于戴公。其間禮樂廢壞。有正考父者。得商頌十二篇于周之太師。以那為首。


祀臯陶○東晉孝武帝寧康三年七月。故事禮臯陶于廷尉寺。新禮移祀于律署。以同祭先聖于太學。舊祀以社日。新改用孟秋。以應秋政。摯虞按虞書。臯陶作士。惟明克允。國重其功。人思其當。是以樂官禮其神。繫者致其祭。功在斷獄之成。不在律令之始也。太學之祠。義同太常。故祭於太學。律之署。卑于廷尉。祭用仲春。義取重生。改用孟秋。以應刑殺。理未足以相易。宜定新禮。皆如舊制。

祀信陵○漢書高祖微時。聞魏公子賢。及即位。每過

大梁。常祀公子。高祖十二年。從擊黥布還。為公子置守冢五家。世世以歲時奉祠。

祀子胥○吳越春秋。夫差帥詣羣臣出國門。祠子胥于江濱。諸臣並在。夫差乃言曰。寡人蒙先王之遺恩。為千乘之主。昔不聽相國之言。乃用讒佞之辭。至今相國遠沒江海。自亡以來。濛濛惑惑。如霧蔽日。莫誰與言。泣下沾襟。哀不自勝。左右羣僚。莫不悲傷。

祀蕭霍○東觀漢記。永平二年十一月。詔京兆右扶風。以中牢祀蕭何霍光。出郡錢穀給蕭何子孫。在



三里内者悉令侍祠

祠文召○前漢書元始四年詔書祀百辟卿士有益于民者蜀郡以文翁九江以召父應詔書歲時郡二千石率官屬行禮奉祠信臣家在南陽亦爲立祠

祀桓譚○東觀漢記桓譚字君山沛人章帝元和中行巡狩至沛令使者至譚家鄉里甚榮之

祀武侯○史後主景曜六年詔爲丞相諸葛亮立廟于沔陽先是所在各請立廟不許百姓遂因時節私祭之于道陌或以爲可立于京師帝皆不納步

兵校尉習崇中書侍郎向充等上言曰自漢以來小德而圖形立廟者多矣况亮德範遐邇勳蓋季漢而烝嘗止於私門廟貌闕而莫立非所以存德念功遠追在昔也今若盡從人心則黷而無典建之京師又逼宗廟宜因近其墓立之于沔陽使所屬以時賜祭凡其臣故欲奉祠者皆限至廟斷其私祀於是從之何承天駁之曰周禮凡有功者祭于大烝故後代遵之元勳配享充等曾不是式帝又從之

祠橋玄○魏武帝少時漢太尉橋玄獨先禮異焉故

238211

建安中遣使祠以太牢

功臣配享

總○通典殷盤庚云茲予大亨于先王爾祖其從與

享之周制夏官司勳掌六卿賞地之法以等其功

賞地。賞田在遠郊之內。屬六卿。王功曰勳。輔成王業。若周

馬。等。猶差也。以功大小為差。公國功曰功保全國家民功曰庸法施於人事功

曰勞以勞定國理功曰力制法成禮戰功曰多剋敵

若韓信陳平司馬法曰凡有功者銘書于王之太

常祭於大烝司勳詔之銘之言名。生則書于王旌

以識其人與其功。死則于夫曰。茲予大亨于先王爾祖其從與享之是也

大功司勳藏其貳貳者副也。功書藏于天府。○漢

制祭功臣于庭。生時侍讌于堂。死則降在庭位。與

士庶為列。○魏祀曹真於太祖廟。祿太祖祀功臣

二十一人。又高堂隆議曰。按先典祭祀之禮。皆依

生前尊卑之敘。以為位次。功臣配食于先王。象生

時侍讌之禮。大夫以上皆升堂。以下則位于庭。其

餘則與君同牢。至于俎豆薦羞。唯君備。公降于君

卿大夫降於公。士降于大夫。使功臣配食于烝祭

所以尊崇其德。明其勳。以勸嗣臣也。議者欲從漢

氏祭之于庭。此為貶損。非寵異之謂也。貴者取貴



骨。賤者取賤骨。

凡牲體前貴後賤

今使配食者因君之牢。

以貴賤為俎庶合事宜。周志曰。勇則害上。不登于

明堂。共用謂之勇。

共用。死國用。

言有勇而無義。死不登

堂而配食。此即配食之義。位在堂之明審也。下為

北面三公朝立之位耳。讌則脫屣升堂不在庭也。

凡獻爵有十二。九。七。五。三。之差。君禮大夫。三獻。太

祝令進三爵于配食者可也。○晉散騎常侍任茂

議。按魏功臣配食禮敘六功之勳。祭陳五祀之品。

或祀之於一代。或傳之于百代。蓋社稷五祀所謂

傳之于百代者。古之王臣有明德大功若勾龍之

能治水土。柱之能植百穀。則祀社稷。异代不廢也。

昔湯既勝夏。欲遷其社。不可。乃遷稷。以周棄德可

代柱。而勾龍莫廢也。若四敘之屬。分主五方。則祀

為貴神。傳之异代。載之春秋。非此之類。則雖明如

咎繇。勳如伊尹。功如呂尚。各於當代祀之。不祭于


異代也。然則伊尹于殷。雖有王功之茂。不配食于

周之清廟矣。今之功臣。論其勳績。比咎繇伊尹呂

尚。猶或未及。凡云配食。各配食于主也。今主遷廟

臣宜從享。大司馬石苞等議。魏代功臣宜歸之陳

留國。使修常祀。允合事理。○梁武帝初何佟之議



曰禘于夏首。物皆未成。故為小祫。于冬。萬物皆成。其禮斯大。近代禘祫。並及功臣。有乖古典。請唯祫祭。乃及功臣。從之。○唐貞觀十六年。有司言禮。功臣配享於廟庭。禘享則不配。依今禘祫之日。功臣並得配享。請集禮官學士等議。太常卿韋挺等議曰。古者臣有大功享祿。其後子孫率禮。潔粢豐盛。祔祀烝嘗。四時不輟。國家大祫。又得配焉。所以昭明其勳。尊崇其德。以勸嗣臣也。其禘及時享。功臣皆不應享。故周禮六功之官。皆配大烝而已。先儒皆以大烝為祫祭。梁初誤禘功臣。左丞何佟之駁議。武帝允而依行。降暨周齊。俱遵此議。竊以五年再殷。合諸天道之大小。小則人臣不與。大則兼及有功。禮禘無配功臣。誠為理不可易。從之。

驚冕 ○周禮春官司服掌王之吉服。享先公饗射則驚冕。

祈禱

求福 ○說文告事祈福為禱。

祈祥 ○周禮大祝職六祝之辭以事鬼神示祈福祥。

求永貞 鄭注云。永。長也。貞。正也。求多福。歷年得正命也。

禱宗周 ○周書四月孟夏。王初禱于宗周。乃嘗麥于



廟

祈黃耆 ○詩行葦篇曾孫唯主。酒醴唯醑。酌以大斗。以祈黃耆。

憂百姓 ○淮南子聖人者不恥身賤。而媿道之不行。不憂命之短。而憂百姓之窮也。是故禹為水。以身解于陽沔之河。湯為旱。以身禱于桑林之下。

念兆民 ○東觀漢記鄧太后嘗不安。左右憂皇。至令禱祀。願以身代牲。鄧太后聞之。甚怒。即勅令禁止。以為何故。乃有此不祥之言。左右咸流涕歎息曰。太后臨大病。不自顧而念兆民。後病遂瘳。豈非天

地之應與


黃氣墮室 ○異苑晉簡文既廢世子道生。次子郁又早卒。而未有息嗣。濮陽令在帝前禱。至三更鬱鬱有黃氣自西南來墮室前。是夜幸李太后。而生孝武皇帝。

白龍降祠 ○詳請雨

作辭以通 ○周禮大祝作辭以通上下。疎親遠近。鄭注

云。禱于天地社稷宗廟。主為其辭。詳祝史。

告訴以通 ○荀悅申鑒或問神何以格。曰一誠所感。自然神應。故精神以底之。犧牲玉帛以昭之。禱祈



告訴以通之

神仙請吉凶○搜神記益州有神仙以石爲室其民奉祠之自稱黃室公凡欲問吉凶者持紙筆及墨置石室中須臾來視之其言吉凶甚驗不見其形仙室禱風雨○列仙傳歷陽有彭祖仙室禱請風雨詳請雨

非令而禱法不立○韓子秦昭王有疾百姓里買牛而家爲王禱公孫述出見之入賀王曰百姓乃皆里買牛爲王禱王曰罰之人二甲夫非令而擅禱是愛寡人也夫愛寡人寡人亦且改法而心與之相循者是法不立法不立亂亡之道也不如人罰二甲而復與爲治

釋勢與民民不用○韓子秦襄王病百姓爲之禱病愈殺牛塞禱王聞之訾其里正與五老屯二甲閻遏公孫衍恠而問之王曰子何故不知于此彼民之所爲我用者非以吾愛之爲我用者也以吾勢之爲我用者也吾釋勢與民相收若是吾適不愛而民因不爲我用也故遂絕受道也

薦

總○說文薦進也○禮大夫士有田則祭無田則薦


替確類書

卷之九

藝習五

十一

薦



○穀梁傳宮室不設不可以祭者薦薦其時也薦其敬也薦其義也非享味也

開冰○月令仲春獻羔開水先薦寢廟鄭注云獻羔謂祭司寒也

祭司寒而後乃賦之於宗廟後乃賦之

薦鮪○月令季春天子乘舟薦鮪于寢廟鄭注云進時美物也

登穀○月令孟秋農乃登穀天子嘗新薦寢廟

以仲月○祭以首時薦以仲月

如朔奠○禮薦新如朔奠

羞含桃○月令仲春之月天子乃以雛嘗黍羞以含

桃先薦寢廟

獻櫻桃○漢書孫叔通傳云上嘗出遊離宮通曰古

者有春嘗菓方今櫻桃熟可獻願陛下出因取櫻

桃獻宗廟上許之諸菓之獻繇此興

以彘嘗麥○月令孟夏以彘嘗麥先薦寢廟注云麥之新氣

尤盛以彘嘗之散其其執也彘水畜也


以犬嘗麻○月令仲秋以犬嘗麻先薦寢廟鄭注云麻始熟

薦韭薦稻○庶人春薦韭夏薦麥秋薦黍冬薦稻

配羊配豚○月令韭以羊麥以魚黍以豚稻以鴈配

也

玄保珍新○沈約宋書羊玄保自少至老謹于祭奠



四時珍新。未經祠薦者。口不妄嘗。

張冲菜果。○齊書張冲永明八年爲假節監青冀二州行刺史事。冲父初卒遺命曰。祭我必以鄉土所產無用牲物。冲在鎮四時還吳國取果菜。每至蒸嘗。輒流涕薦焉。

食祭

瓜祭。○禮記瓜祭上環。

魚祭。○魚祭。膾。膾。大臠也。謂剗魚腹也。

先客祭。○客不降等則先祭。

後君祭。○若賜之食。君命之祭。然後祭之。

太祝辨祭。○周禮春官太祝辨九祭。一命祭。若禮云。

君命客祭而祭之是也。二衍祭。主人延賓祭。三炮

祭。炮。讀爲包。若兼祭於豆四周祭。謂殺之序。徧祭

之也。五振祭。六擣祭。振擣亦本同。不食者。擣則祭

之。將食者。旣擣。必振乃祭也。七絕祭。八繚祭。九其

祭。絕。繚亦本同。禮多者。繚之。略者。絕之。則祭也。其

猶授拜。王祭食。宰夫授祭者也。

擣音軟。平聲。以肝肺擣。鹽醢中以祭。

慶封汎祭。○左傳叔孫穆子食慶封。慶封汎祭。謂遠

散不恭也。

殺進徧祭。○禮記主人延客祭。祭食。祭所進殺之序。

徧祭之

注。祭先君子有食。不忘本也。

水漿不祭○唯水漿不祭。爲已饑卑

注。已。太也。饑。厭之也。

蔬食不祭○孔子曰。少施氏食。我以禮而飽。吾祭作

而辭曰。蔬食不足祭也。

齋戒

總○說文齋戒潔也。齋之爲言若於此而齋戒也○

禮祭統。齋之爲言齊也。齊不齊以致齊者也。是故

君子非有大故。非有恭敬也。則不齋。又曰。君子之

祭也。專治其精明之德。故散齋七日以定之。致齋

三日以齊之。又曰。定之之謂齋。齋者精明之至也。

然後可以對神明也○子曰。齋戒以事鬼神。恐人

之不敬也○白虎通齋者言已之意念專一精明

也

恭默○恭默思道

誠信○必誠必信


變食○齋必變食。改常饌也

遷坐○居必遷坐

三日○孔子曰。三日齋。一日用之。猶恐不敬。二日伐

鼓。何居。注。齋者止樂。

十日○桓公將與管仲飲。十日齋戒。



齋車○玉藻君齋車羔幣虎犢士齋車鹿幣豹犢鄭玄

注云。幣。覆苓也。犢。謂緣也。君齋車用羔羊皮為幣。虎皮飾是也。

齋冠○玉藻玄冠丹組纓諸侯之齋冠也玄冠綦組

纓士之齋冠也鄭注云齋時所服也

拜將○漢高祖擇日齋戒設壇具禮拜韓信為大將軍

授師○楚武王授師將齋曰余心蕩矣蕩動散也

思志意○齋之日思其笑語思其居處思其志意思其所樂思其所嗜慾

訖嗜慾○祭統君子之將齋也防其邪物訖其嗜慾

耳不聽樂故記曰齋者不樂言不敢散其志也心

不苟慮必依於道手足不苟動必依於禮

三日齋○禮坊記七日戒三日齋承一人焉以為尸過之者趨走以教敬也


七日散○禮外傳大禮散齋七日致齋三日則十日齋矣

齋五日○漢舊儀大祀齋五日小祀齋三日

齋六日○黃帝問玄女兵法曰六甲將及夫人姓名

服色曰其將皆著青幘小冠帶白綬夫人足皆各

象其禽獸足凡欲致神格當于帛上書諸神名如



法祭齋事六日見形。六十日一祭合諸神見之。子所慎○子之所慎齋戰疾。

顯不敬○漢邴吉。子顯為諸曹嘗從祀宗廟。至夕牲日乃使出取齋衣。吉恐謂夫人曰。祭重事。顯不敬亡我。我爵不顯。

奏妻罪○晉劉毅嚴酷。妻有過立加杖捶。嘗居齋宮。妻省之。即奏加妻罪。請解齋。

收妻獄○許周澤臥齋宮。

不樂不吊○曲禮。齋者不樂不吊。

鄭注云。為哀樂則失正。蔽其思也。

定之齋之○許致德條。

齋而學道○鬼谷子。周有豪士居鬼谷。號為鬼谷先

生。蘇秦張儀往見之。先生曰。吾將為二子陳言至

道。子其齋戒擇日而後學。秦儀齋戒而往。

齋以送璧○史記藺相如列傳。相如語秦王曰。趙王

送璧時。齋戒五日。今大王亦宜齋戒五日。設九賓


于庭。臣乃敢上璧。秦王度終不可強奪。遂許齋五

日。舍相如廣成傳舍。

道乃可成○春秋合誠圖。黃帝請問太一長生之道。

太一曰。齋戒六丁。道乃可成。

神光顯著○漢宣帝詔曰。迺者鳳皇甘露降集京師。



嘉瑞並見齋戒之暮神光顯著上帝嘉饗海內承福可赦天下

顏回不飲酒○莊子顏回見仲尼將之衛曰奚為曰衛君其年壯其行獨輕用其國回嘗聞之夫子曰治國去之亂國就之醫門多疾願以所聞思其則庶幾其國有瘳乎仲尼曰齋居將語若回曰回之家貧惟不飲酒茹葷者數月矣若此則可以為齋乎曰是祭祀之齋非心齋也敢問心齋曰若一志無聽之以耳而聽之以心無聽之以心而聽之以氣聽止于耳心止于符氣也者虛而待物者也惟

道寂虛虛者心齋也

周澤臥齋宮○續漢書周澤為太常清潔循行盡敬宗廟嘗臥疾齋宮其妻哀澤老病闕問所苦澤大怒以妻干犯齋禁遂收送詔獄謝罪當世疑其詭激時人謂之語曰生世不諧作太常妻一歲三百六十日三百五十九日齋一日不齋醉如泥

沐浴

總○君子齋戒必先沐浴

去垢○浴不必江海要之去垢

進飲○禮履席謂浴後履前席也衣布晞身乃履進飲以盈



氣

沐稷○禮沐稷而饋誨梁櫛用櫛櫛髮晞用象櫛進

機進羞工乃升歌

注。進羞作樂。以盈器也。

沐創○居喪之禮頭有創則沐

髮晞○禮見上沐稷條晞乾也

心覆○頭須見晉侯晉侯辭以沐謂僕人曰沐則心

覆心覆則圖反宜吾不得見也

握髮○周公下白屋之士一沐三握髮後世稱其聖

賢

捉髮○左傳叔武將沐聞君至喜捉髮以出前驅射

而殺之

注。叔武魏侯弟。守國者。

膏沐○詩自伯之束首如飛蓬豈無膏沐誰適為容

羸浴○左傳重耳行及曹曹共公聞其駢脅欲觀其

羸浴薄而觀之

漏浴○禮内外不共漏

壁器浴室也

沐咸池○楚辭與汝沐兮咸池晞髮兮陽之阿

濯陽谷○楚辭朝濯髮于陽谷

浴蘭湯○幽明錄廟方四丈不作墉壁道廣五尺夾

樹蘭香齋者煮以沐浴然後親祭所謂浴蘭湯○

楚辭浴蘭湯兮沐芳

履蒯席○禮浴用二巾上絺下綌出杆汗履蒯席注杆

浴之
器也

浴乎沂○論浴乎沂風乎舞雩詠而歸

浴同川○夷狄男女同川而浴

彈冠振衣○楚辭新沐者必彈冠新浴者必振衣

燂湯燂潘○禮子事父母五日則燂湯請浴三日具

沐燂潘請饋足垢燂湯請洗注燂音擣煖也潘米
汁也饋音誨洗面也

○左傳遺之潘沐

耕藉

總○說文帝藉千畝者使民如借故謂之藉○禮記

孟春之月天子乃以元日祈穀于上帝天子親載

耒耜帥三公九卿諸侯大夫躬耕帝藉天子三推

三公五推卿諸侯九推庶人終畝反乃執爵于太

寢命曰勞酒○又乃擇元辰天子親載耒耜置之

車右公卿諸侯大夫躬耕籍田注元辰蓋郊後吉
辰也耒耜農器也

○又天子耕于南郊諸侯耕于東郊○又昔者天

子爲藉千畝冕而朱紘諸侯百畝冕而青紘躬執

耒以事天地山川社稷先古以爲醴酪粢盛于是

乎取之敬之也○五經要義天子藉田千畝孟冬

啟蟄既郊之後率公卿大夫而親耕焉所以先百



姓而致孝敬○應劭漢官儀天子升壇公卿耕訖
 嗇夫下種藉田亦曰帝藉亦曰耕藉亦曰東耕亦
 曰親耕亦曰王藉○又東耕之日親率公卿戴青
 幘載青車駕蒼馬公卿以下車駕如常法○論衡
 立春東耕爲土象人男女各二執耒鉏錢或立土
 牛象人土牛未必能耕也從氣應時示帥下也○
 漢舊儀春始東耕于藉田祠先農以一牢○梁五
 禮藉田儀注其田東去宮八里遠十六里爲千畝
 天子耒耜一具公耒耜三具卿侯耒耜九具立方
 壇以祀先農○隋書禮志北齊藉于帝城東南千

畝每歲正月上辛後吉亥使公卿以太牢祀先農
 神農于壇上祭訖親耕

事天○禮記詳總


祈社○詩詳後千耦

教養○禮記耕藉所以教諸侯之養也

致敬○五經要義詳總

省功○國語后稷省功太史監之司徒省民太師監
 之畢宰夫陳饗膳宰監之夫贊王主歆太牢班嘗
 之庶人終食賈逵注太史三公官也

勞酒○禮詳總○陳江總勞酒賦在陽春之仲序覽



具物之芳菲帥公卿而播百穀親耒耜而命三推。開青壇于迴甸。列翠幕于清泚。乃遵執爵之典。爰降食苹之燕。豁朱鳥之高窓。啓黃龍之抗殿。奏帝鴻之萬舞。動鈞天之九變。顧曲私之亭育。遞寒暑而徂遷。謬陳力而策駘。豈耐恩于暮年。

饗醴○國語王親饗醴

賈逵注曰。饗。飲也。王沐浴飲醴酒。

賜食○東觀漢記永平十三年二月耕藉田畢賜觀者食。有一諸生前言善哉。文王之遇太公也。上書版曰。生非太公。予亦非文王。

三推○禮詳摠


千畝○禮詳摠

千耦○毛詩載芟春藉田而祈社稷也。載芟載柞。其耕澤澤。千耦其畝。徂隰徂畛。侯王侯伯。侯亞侯旅。侯疆侯以。○繆襲藉田賦。詔句芒使掌曆。勅義仲以農期。儀晨祥而舉趾。兮樂田祖以幽詩。嘉載芟之千耦。兮美振古之如茲。


萬轡○徐爰賦。隱千軫以風行。闡萬轡而霧轉。白口麗晷于桑埜。大駕稅幸于疆畛。

青幘○漢官儀詳摠

紆轅○潘岳藉田賦。伊晉之四年正月。皇帝親率羣



后藉于千畝之甸。禮也。于是乃使甸師清畿。埜廬
掃路。封人墳宮。掌舍設板。青壇蔚其嶽。立翠幕黝
耽。以雲布。結崇基之靈趾。啓四塗之廣阡。沃埜墳
腴。膏壤平砥。清洛濁渠。引流激水。遐阡繩直。邇陌
如矢。蔥惛服于縹輓。緝轅綴于黛耜。儼儲駕于塵
左。俟萬乘之躬履。百僚先置位以職分。自上下下。
具惟命臣。襲春服之萋萋。接游車之鱗鱗。微風生
于輕幘。纖埃起乎朱輪。森奉璋以階列。望軒皇而
肅震。若湛露之晞朝陽。似衆星之拱北辰。于是前
驅魚麗。屬車鱗萃。閭闔洞啓。參塗方駟。常伯陪乘。
大侯秉轡。后妃獻種。稔之種。司農撰播。植之器。挈
壺掌升降之節。宮正設門閭之蹕。天子乃御玉輦。
陰華益衝牙。錚鎗綃紈。粹醉繚菜表朱玄于離坎。
飛青縞于震兌。中黃擘以發暉。方綵紛其繁會。震
震填填以幸乎藉田。蟬冕頰以灼灼。碧色肅其芊
芊。似夜炆之剖荆璞。若松栢之依山巔。于是我皇
乃降靈壇。撫御耦。遊塲染履。洪縻在手。三推而舍。
庶人終畝。貴賤以班。或五或九。躡踵側肩。倚裳連
袂。黃塵爲之四合。陽光爲之潛翳。動容發音。而觀
者莫不抃舞乎康衢。嘔呼乎聖世。有邑老田父。進



而蹈曰。蓋損益隨時。理有常然。高以下為基。民以食為天。九土之宜。弗任四民之務不一。展三時之弘務。致倉廩之盈溢。固堯湯之用心。而存救之要術。若乃廟祧有事。祝宗諏日。黍稷馨香。旨酒嘉粟。古人有言曰。管者明王以孝治天下。其或繼之者希矣。逮我皇晉。實光斯道。儀刑乎于萬國。愛敬盡于祖考。敢作頌曰。思樂甸畿。薄采其茅。大君戾止。言藉其農。其農三推。萬方以祗。耨我公田。實及我私。我簠斯盛。我簋斯齊。我倉如陵。我庾如坻。念茲在茲。永言孝思。人力普存。祝史正辭。神祇攸歆。逸豫無期。一人有慶。兆民賴之。

青壇○詳上勞酒


華畢○徐爰賦。衍參徒之廣闊。眇道路之悠遠。增華畢之未驚。渺同方其已反。

給宗廟○漢書詳總漢文開藉

事社稷○禮詳總

司農掌○曹植藉田賦。營疇萬畝。厥田上上。奇柳夾路。名果被園。司農實掌。是謂公田。

甸師掌○周禮甸師掌率其屬而耕耨王藉。以時入之。以供粢盛。



戒農用○國語命農大夫咸戒農用

具田器○藉田賦具田器布農事

降靈壇○詳潘岳賦

修帝藉○張衡東京賦乘鸞輅而駕蒼龍介馭間以

剡耜躬三推于天田修帝藉之千畝

侯知敬○樂記武王克殷耕藉然後諸侯知所以敬

鄭注藉藉田也

史奉禮○宋任豫藉田賦瞻望圭景咫尺三川緬彼

帝藉百有餘年映至德于盛位儷列畧于微辰紆

汾陽以昧旦信堯心而禹勤史奉載耜之禮民奏

舉趾之歌膏壤千畝與式既同區勢平易畎陌修

通提攜丘澤眺嶺面松

皇后獻種○周官上春詔皇后帥六宮之人而生種

稑之種而獻之于王

太史順時○國語周宣王不藉千畝虢文公諫曰稷


為大官古者太史順時覘麥土陽瘳憤盈土氣震

發農祥晨正日月底于天廟土乃脉發稷以告王

曰史帥陽官以命我司事曰距今九日土其俱動

王其祗祓監農不易賈逵云祗敬也祓除也不易土物之宜循其土俗不易也

農正陳禮○國語賈逵注曰農正田大夫主敷陳藉



禮而祭其神爲農祈也

司空除壇○國語司空除壇于藉先時五日瞽告有協風至王既齊宮百官御事各卽其齊三日王乃淳濯及期裸鬯享禮乃行

埜廬埽路○詳潘岳賦

百官御事○國語賈逵注曰御治也

庶民必從○國語庶民必從

置耒軾上○晉輿服志金根車天子親耕所乘也置耒耜于軾上

耕田宮中○漢昭紀上耕鉤盾弄田在未央宮中

發趾千畝○繆襲許昌宮賦太和六年春上旣躬耕帝藉發趾乎千畝以帥萬國

帥先萬國○詳上

親祭之義○晉禮志尚書符問藉田至尊應親祀先農否賀修荅曰漢儀無正自祭之文然王者祭四望則毳冕祭社稷五祀則絺冕以此爲親祭之義也

勸農之道○藉田之禮廢則王教之典闕矣勸農之道缺矣

周宣不藉○國語宣王即位不藉千畝號文公諫曰

夫民之大事在農。上帝之粢盛。于是乎出。民之蕃庶。于是乎生。事之共給。于是乎在。財用蕃殖。于是乎始。先時九日。太史告稷曰。陽氣俱蒸。土膏其動。稷以告王。王即御事。王耕一墾。班三之。庶人終乎千畝。王不聽。師敗于姜戎也。

賈逵注。一墾。一耦之。撥也。耜廣五寸。二耜為耦。一發。廣尺也。班。次也。三之。謂公卿大夫也。王之下各三。其上三公三發。卿六發。大夫九發。成天子三推。諸侯九推也。

漢文開籍。○漢書文帝二年春正月丁亥。詔曰。夫農天下之本。其開籍田。朕親率耕。以給宗廟。粢盛

黍稷

薺合○黍曰薺合

明粢○稷曰明粢

薺其○粱曰薺其

嘉疏○稻曰嘉疏

並曲禮

豐備○左傳粢盛豐備


鮮潔○周禮甸師掌耕耨。王藉以時入。供粢盛。表粢

盛鮮潔

非馨○書黍稷非馨。明德惟馨

不鑿○粢食不鑿。昭其儉也

神倉○月令藏帝藉之收于神倉。祇敬必飭



御廩○傳御廩災

注藏親耕之廩

終禮○禮父母沒必求仁者之粟以祀之此之謂終

禮注孝子雖貧尚不取惡人之粟祀其先

名物○周禮小宗伯辨六齊名物

注六穀也

陳簠簋○簠簋既陳

實籩豆○實其籩豆

明水滌○滌粢盛

注明水也

甸師供○詳前

廩人供接盛○接謂扱以接春

春人供米物○非一物

親蠶

總○初學記祭義云大昕之朝

季春朝日之朝

君皮弁素幘

卜三宮夫人世婦之吉者使入蠶于蠶室奉種浴

于川桑于公桑風戾以食之

風戾者恐露濕葉傷蠶風之使燥而後食

之歲既單矣

謂三日盡之事

世婦率蠶奉繭以示君遂獻

繭于夫人夫人曰此所以為君服與遂副禕而受

之因少牢以禮之古之獻蠶者其率用此歟及良

日夫人繰三盆手遂布于三宮夫人世婦之吉者

使繰遂朱綠之玄黃之以為黼黻文章君服以祀

先王先公敬之至也

三盆手三淹也凡繰每淹大摠而手振之以出絲緒

○



禮記古者天子諸侯必有公桑蠶室。近川而爲之。築宮仞有三尺。棘墻而外閉之。○又云季春之月

后妃齊戒。稟先蠶躬桑。以勸蠶事。

先蠶即天駟星也。后妃躬桑率

先天下也。

孟夏之月蠶事既畢。后妃獻繭。乃收繭稅。以

桑爲均。貴賤長幼如一。○董巴輿服志漢皇后桑

于東郊苑中。○晉元康義皇后採桑壇在蠶宮西

南。晉禮志漢儀皇后親蠶。桑東郊苑中。蠶室祭蠶

神曰苑窳婦人。寓氏公主祠用少牢。侍中成粲草

定其儀。取列侯妻六人爲蠶母。擇吉日。皇后著十

二笄。步搖衣青乘油蓋。雲母安車。駕六醜馬。女尚

書陪載筐鉤。外命婦皆步搖青衣。各載鉤筐。先桑

二日蠶室生蠶。著薄上。桑日。皇后未到。太祝質明

以太牢祀之。祠畢。班餘胙于從。桑后東面躬桑。採

三條。諸妃公主採五條。郡縣已下九條。以桑受蠶

母。○五禮先蠶儀注親蠶前二日太祝令質明以

太牢祀先蠶。○皇后親蠶儀注皇后躬桑始得一

條。執筐受桑。

三洒。○周迂古今輿服雜事蠶始生。后食之。三洒而

止。

三線 ○初學記詳總

替確居類書

卷六十一 藝芸習五

三

親蠶



服青縹○董巴輿服志太皇太后入廟服緝上阜下蠶青上縹下簪以玳瑁長一尺端為華勝上為鳳皇

載筐鉤○晉禮志詳總

幸蠶館○漢書孝元王皇后為太后幸蠶館率皇后及列侯夫人桑于北郊

置織室○東觀漢記明德馬皇后置織室蠶室于濯龍池中數往來觀視

蠶于北郊○周禮仲春詔后率外宗內命婦始蠶于北郊以為祭服

采桑東郭○列女傳宿瘤齊東郭采桑之女也閔王娶為后


身致誠信○祭統王后蠶于北郊以供純服夫人蠶于北郊以供冕服純音縹也王后夫人非莫蠶也身致其誠信也

分繭稱絲○禮記蠶事既登分繭稱絲以供郊廟之服

祭服

虞韞○明堂位詳舜始作條

殷冔○毛詩云常服黼冔傳曰黼白與黑也冔殷冠



也。鄭箋云：殷之臣壯敏而助周祭，其助祭自服殷之服。明文王以德不以彊也。

玄冕 ○周禮春官司服掌王之吉服。祭羣小祀則玄冕。

黃冠 ○禮記黃衣黃冠而祭。息田夫也。野夫黃冠也。

緝幘 ○晉輿服志公特進列侯卿大夫世婦夫人緝幘。繒簪珥入廟。自二千石夫人至皇后皆蠶衣爲

朝服。

被袞 ○郊特牲祭之日。王被袞以祭天。

給服 ○晉輿服志執事所服。魏已來名爲五時服。止

給四時缺秋服三年而一易。

明衣 ○齊必有明衣。

尸服 ○喪禮小記祭以諸侯其尸服以諸侯祭以士也。其尸服以士服。


舜始作 ○明堂位虞鞞夏山。鄭注云。鞞冕服之鞞也。舜始作之。以尊祭服。禹湯至周。增以畫文。

禹致美 ○禹惡衣服而致美乎黻冕。黻冕祭服。禴不釋 ○記衛柳莊疾病。公曰。雖當祭。必告。再拜稽首。請於尸曰。有臣柳莊。社稷之臣也。聞之。死。請往。至則不釋服而往。遂以禴之。

首請於尸曰。有臣柳莊。社稷之臣也。聞之。死。請往。

至則不釋服而往。遂以禴之。

祭服



敝則焚○祭服敝則焚之

絳衣從事○晉輿服志漢制一歲五郊天。天子與執事者所服各如方色。百官不服執事者服常絳衣以從。

單衣饋饌○魏志管寧字幼安。徵不起。每四時祭。輒著絮巾。故在遼東。有帛單衣。親薦饋饌。跪拜成禮者也。

犧牲

以純○曲禮天子以犧牛。注犧純色也。
以騂○毛詩閟宮篇享以騂犧。

尚赤○詩從以騂牲。傳曰。周尚赤。故祭用騂牲。

貴誠○郊特牲於郊牲用犢。貴誠也。注。未知牝牡之情。

用特○書歸格于藝祖。用特。

餼羊○子貢欲去告朔之餼羊。

辰牡○詩奉時辰牡。辰牡孔碩。注。辰牡。謂牲也。辰時也。

騂剛○周人尚騂剛。

騂角○論犁牛之子騂且角。雖欲勿用。山川其舍諸。

白牡○殷人尚白牡。

牢禮○周禮牢三牲。

餼牽○傳餼牽竭矣。



帝牛○禮帝牛不吉以爲稷牛

公牛○周禮牛人掌養國之公牛以待祭祀供其享

牛求牛以授職人而芻之

肥牛○養於諸侯也

索牛○索具大夫具得其用

柔毛○曲禮豕曰剛鬣羊曰柔毛雞曰翰音

䟽趾○雉曰䟽趾兔曰明視

鷄牲○周禮雞人掌共雞牲辨其物

羊牲○周禮羊人祈珥羊牲凡沈辜壞釁積共其羊

牲若牧人無牲則受布于司馬使其質買牲而共

之

膾臠○注云肉大臠

骨臠○骨有肉也

腥肆○禮腥肆爛

臠音速 腥同 脰 脰

一豈知神之所享主人自

盡其敬

豚肩○晏子豚肩不掩豆

羊肆○羊箴

肉豆○切肉

天產○醢醢之美煎鹽之尚貴天產也

午割○午割勿設

注勿設 分散也

博碩○左傳奉牲以告曰博碩肥腍博碩謂其畜之

碩大蕃滋也肥腍謂其不疾瘕蟲也

注瘕蟲疥癬

柔嘉○牲也

羶薌○郊特牲既奠然後燂蕭合羶薌凡祭慎諸此

擘臂○郊特牲取擘律臂聊燔燎升首報陽也

沈埋○周禮沈埋鬮壁牽其大牲用牲注牲純色也

尚書注云體完曰牲

伏瘞○周禮伏瘞亦如之

注伏人以車轆

祠三○漢書郊祀志有上書言古者天子三年一用

太牢祠三一天一地一泰一上許之

主五○周禮小宗伯毛六牲辨其名物而頒之于五

官使其奉之鄭注云毛擇毛也司徒主牛宗伯主

鷄司馬主馬及羊司寇主犬司空主豕

中度○月令命宰祝循行犧牲視全具按芻豢瞻肥

瘠察物色必比類量大小視長短皆中度注謂審牲也


歆神○周禮封人歌舞其牲注謂君牽牲入時封人

隨歌舞之言其肥腍以歆神也

在滌○郊特牲帝牛必在于滌注滌牢養處也

納烹○周禮納烹告殺也

飾牲○周禮小子職云凡沈辜候禳飾其牲鄭注云沈謂祭



川。爾雅曰。祭川曰浮沈。辜。謂磔牲以祭也。候禳者。候四時惡氣。禳去之也。

善牲○越絕書益欽之後。啓歲善犧牲以祠之。經曰

夏啓善犧于益。此之謂也。

庀牲○穀梁傳六月上甲始庀牲。十月甲始繫牲。

夕牲○漢建武二十三年。車駕東巡。狩至梁父。九十

里夕牲。

薦牲○大壯也。

免牲○穀梁傳免牲者。緇衣玄纁。裳有司玄端奉送

於南郊。

不愛○傳不愛牲玉。

不鬻○犧牲不鬻於市。

登首○周禮羊人割牛牲。登其首。注登首於室。

斷尾○雄鷄斷尾。賓孟見之曰。自憚爲犧也。

繫三月○三月繫。七日戒。三日宿。慎之至也。

芻三月○周禮充人掌繫祭祀之牲。牲牲祭五帝則繫

于牢芻之。三月享先王。亦如之。凡散祭祀之牲。繫

于國門。使養之。注散祭祀山川之屬。

庀人供○周禮庀人供王之薦羞。及作世子之膳羞。

供祭祀之好羞。注品物曰薦。滋味曰羞。好羞。魚蟹醬。

饗人倫○儀禮注云。倫。擇也。

展勛角○傳展勛角而知傷展道盡矣

注展道雖盡所以備災不

盡說哀公不敬故致天變也

無腸胃○儀禮肫解無腸胃

注君子不食黍一

無用牝○月令孟春犧牲無用牝

注為傷生之類也

不用大○傳小事不用大牲

不敢加○傳魯侯曰犧牲玉帛不敢加也必以信

不相用○傳古者六畜不相為用

死則埋○郊特牲牲死則埋之

孕不用○郊特牲牲孕不用也

掌割烹○周禮內饗掌割烹煎和之事

負革肉○虞九負革肉擇之取美也

用三犧○傳介葛盧聞牛鳴曰是生三犧皆用之矣

問之而信

具二牲○禮庶子若富則具二牲獻其賢者於宗子

注賢善也

牲則告牲○周禮充人職鄭司農曰展具也具牲若


今時選牲也充人主以牲牲告展牲者也玄謂展

牲若今夕牲也

牛曰大武○曲禮牛曰一元大武

鄭注云號牲物異於人也元頭也武

迹也



爾牲則具○詩無羊三十維物爾牲則具

騂牡既備○詩既載騂牡既備

天子之牛○禮王制天子之牛角繭栗

宗廟之牛○禮王制宗廟之牛角握注。握。謂長不出膚也。

水菹陸醢○禮祭統水艸之菹陸產之醢注。蜺。蜾也。小物備矣。

牲俎簋實○禮祭統三牲之俎八簋之實

羔豚皆足○禮祭統羔豚而祭百官皆足太牢而祭

不必有餘此之謂稱

吉則改名○傳牛卜吉曰牲注。牛既得吉。則改名曰牲。

共以待事○周禮牛人凡祭祀其其牛牲之互與盆

箠聊以待事注。互。懸肉格。

口傷改卜○傳郊牛之口傷改卜牛牛死乃不郊非

禮也注。當改卜牛。郊不可廢。

食角改卜○傳鼯鼠食郊牛角改卜牛志不敬也

籩豆靜嘉○詩籩豆靜嘉

苾椒馨香○詩燔炙苾芬有苾其香有椒其馨

物備陰陽○祭統昆蟲之異草木之實陰陽之物備

矣

骨取貴賤○祭統骨有貴賤殷人貴髀周人貴肩貴

者取貴骨賤者取賤骨



吉蠲為饌○詩吉蠲為饌是用孝享

嘉薦普淖○祝曰嘉薦普淖淖和也

供其水菜○又云所以洗牲也

設其楅衡○周禮注所以持牛角不使觸

用馬于墉○宋災用馬于四墉非禮也

用牲于社○日食用牲于社非禮也凡天災有幣無

牲

苞茅

藉白○易藉用白茅

包菁○尚書荊州厥貢包匭菁茅注茅縮酒菁為菹其所包裹而致者

也蓋三春之茅也

縮酌○郊特牲縮酌用茅明酌也

裹肉○裹肉菹饌注云茅裹肉菹藉也

甸師供○周禮甸師供蕭茅

鄉師供○周禮鄉師供茅菹菹藉也長五寸束者


江淮靈物○江淮之間有一茅三脊此靈物不可以

常貢也

楚人職貢○傳齊桓責楚人爾貢苞茅不入王祭不供

無以縮酒寡人是徵

祭器



六尊○周禮司尊彝掌六尊六彝之位詔其酌辨其

用與其實春祠夏禴裸用雞彝鳥彝皆有舟其朝

踐用兩獻讀為儀尊其再獻用兩象尊皆有壘諸臣

之所酢也秋嘗冬蒸裸用斝彝黃彝皆有舟其朝

獻用兩著尊其饋獻用兩壺尊皆有壘諸臣之所

酢也凡四時之間祀追享朝享裸用虎彝雉彝皆

有舟其朝踐用兩大尊其再獻用兩山尊皆有壘

諸臣之所酢也鄭云舟樽下臺若今時承盤子斝樽者著於樽也明堂位曰著殷樽也虎雉畫之為飾也雉讀為醴

四豆○周禮醢人掌四豆之實朝事之豆其實韭菹

醢貪菹昌本麋麇菁菹鹿麇芡菹麋君饋食

之豆其實葵菹羸醢脾析麤醢蜃其豚拍魚醢

加豆之實芹菹兔醢深蒲醢醢治菹雁醢荀菹

魚醢羞豆之實醢夷食糝食

六彝○辨六彝以待裸注將六尊以待祭祀也


八簋○周

四璉○夏后氏

六瑚○殷

籩豆○詩閟宮籩豆大房鄭箋云大房玉飾俎也其制足間有橫下有跗似乎

堂後有房然也



簠簋○孝經陳其簠簋

鄭注云簠簋祭器受一斗二升方曰簠圓曰簋盛黍稷稻

梁器陳奠素器而不見親故衰戚也

觶角○禮記宗廟之祭貴者獻以爵賤者獻以散尊

者舉觶卑者舉角以小為貴也

酸竿○酸竿及尸君非禮也是謂僭君

瓢齋○周禮管人禁門用瓢齋

注瓢割去底以齋為樽

登豆○周禮于豆于登

山靄○禮記山靄夏后氏之尊也

犧象○禮記犧象周尊也

鷄彝○周禮見上

鄭玄云刻而畫之為鷄鳳凰之形者

犧尊○周禮朝踐用獻鄭注云獻讀為犧

著尊○周禮見上鄭注云著尊著地無足也

加籩○籩人職云加籩之實菱芡栗脯羞籩之實糗

餌粉粢

黃目○周禮尊周以黃目

注云黃者中也日者氣之清明者也言酌於中而清

明於外

白蜃○周禮掌蜃其蜃器之蜃

注飾祭器蜃可以白器

作繪○毛詩作繪宗彝

注繪畫也宗彝宗廟彝器也

為雕○周禮內骨外骨却行連行紆行以脰鳴注鳴

旁鳴翼鳴股鳴胸鳴謂之小蟲為雕琢

注刻畫祭器為雕琢



也 庶物

有踐○詩籩豆有踐

多陳○陳器之道多陳而省納之可也注以多為崇以節為禮

不假○禮大夫祭器不假

不設○無田祿者不設祭器

實陳○周禮鬱人掌裸器凡祭祀和鬱鬯以實奠而陳之

滌濯○周禮肆師掌凡祭祀之卜日宿為期詔相其

禮眠滌濯亦如之注謂澆祭器也

美備○三牲之俎八簋之實美物備矣

言約○易樽酒簋二一樽之酒一簋之食言其約也

貢器○周禮貢器謂貢宗廟之器

造為先○禮凡家造祭器為先養器為後

展告備○展器告備

間胥供○周禮間胥供祭器注間胥司徒之屬官也器謂簋簠俎也

有司陳○月令孟冬命有司効功陳祭器案度程無

作淫巧以蕩上心注効功考其器也度大小也程所容也

貧不鬻○禮君子雖貧不鬻祭器

敝則埋○禮祭器敝則埋之

敬則用○酸苐諸侯則用時王之器敬則用祭器注實



客來加敬者可
以用祭器也

官不備○國語樂武子其官不備祭器

供明齊○司烜供明齊注明水也

執豆籩○書駿奔走執豆籩注來助祭

用兩壺○周禮見上鄭注云壺者以壺為尊也

幕六彝○周禮幕人職曰祭祀以疏布巾幕八尊畫

布巾幕六彝鄭注云以疏布者天地之神尚質也宗廟可以文畫者畫其雲氣

外在內壺○周禮五獻之尊門外在門內壺

上樽下罍○樽彝為上罍為下

用脩用蜃○周禮鬯人廟用脩四方山川用蜃裸用

概凡鬻用散注皆漆也

貴髀貴肩○禮凡為俎者以骨為貴賤殷貴髀周貴

肩貴者取貴骨賤者取賤骨貴不重賤等虛示均

也

朝事之籩○周禮籩人職云朝事之籩其實麩風黃

白黑形監臠武鮑魚鱠音速鄭司農云朝事謂清

籩故麥曰麩麻曰黃稻曰白黍曰黑築監以為虎形謂之形鹽

饋食之籩○周禮饋食之籩其實棗栗桃乾榛榛實

鄭注云饋食薦熟也乾榛乾梅也
有諸梅皆是其乾者榛似栗而小

薦用雕玉○周禮薦用玉豆雕篚音撰注云篚籩屬



器用陶匏○禮記詳郊天

鳥獸不登○禮鳥獸之肉不登於俎則不射注登俎祭用也

翡翠以飾○周禮鄭玄注云犧尊飾以翡翠者也

主人自徹○凡祭於公必自徹其俎主人自致其醬

則客徹之非賓客一人徹注同事各居者

婦人不徹○凡燕婦人不徹質不備禮

進俎不坐○記取俎進俎不坐

羞俎於內○凡羞俎者則於內注俎祭也

籩豆靜嘉○詩既醉昭明有融高朗令終令終有傲

公尸嘉告嘉告維何籩豆靜加鄭箋云公尸以善言告之是何故乎

乃用籩豆之物潔清而美政平氣和所致故也

籩豆既設○禮記曾子問

祭器不踰境○禮大夫去國祭器不踰境大夫寓祭

器於大夫士寓祭器於士也

犧象不出門○傳犧尊不出門嘉樂不野合

祝史

將命○郊特牲祝將命也注云用傳主人之命于神也

薦信○左傳齊侯有疾欲誅祝史晏子曰若有德之

君外內不廢上下無怨動無違事其祝史薦信無

愧心矣是以鬼神用享國受其福祝史與焉其所



以蕃社老壽者爲信君使也

正辭○李梁曰祝史正辭信也

蕡奠○周禮小祝掌凡大祭祀逆齊盛送逆尸沃尸

盥蕡階蕡徹蕡奠

在廟○宗祝在廟

於室○詔祝於室

致告○工祝致告

酌尸○卒爵飲之

注。酌尸。酌。主。此卒爵。

祝嘏○禮修其祝嘏

祝號○甸祝掌表貉之祝號

注。甸。女。甸。謂田。以習兵之禮。故。表。貉。祭。欲。獲。之。多。

事鬼神○周禮大祝掌六祝之辭以事鬼神示祈福

祥求永貞。一曰順祝。二曰年祝。三曰吉祝。四曰化

祝。五曰瑞祝。六曰筮祝

注。云。順。豐。年。也。年。永。貞。也。吉。祈。福。祿。也。化。弭。災。兵。也。

筮。遠。罪。戾。也。

告慈孝○禮運祝以孝告。嘏以慈告。是謂大祥

鄭注。云。祝。


告。嘏。告。各。首。其。義。也。祥。善。也。

掌六祈○大祝掌六祈以同鬼神示。一曰類。二曰造

三曰禴。四曰禋。五曰攻。六曰說

作六辭○周禮作六辭以通上下親疎遠近。一曰詞

二曰命。三曰誥。四曰會。五曰禱。六曰誅



辨六號○周禮辨六號。一曰神號。二曰鬼號。三曰示

號。四曰牲號。五曰齎號。六曰幣號。鄭注云。號。謂尊其名。更爲美稱也。

辨九祭○周禮大祝辨九祭詳吉禮。

祈福祥○周禮小祝掌小祭祀將事候禳禱祀之祝

號。以祈福祥。順豐年。逆時雨。寧風旱。彌裁兵。遠臯

疾。鄭注云。順豐年而順爲之祝辭。

遠臯疾○見上

詞無愧○叔向曰。范叔子之家事治。言於晉國。無隱

情。其祝史陳信於鬼神。無愧辭。

祝有益○傳祝有益也。詛亦有損。晏子爲齊侯言人

怨皆詛。一祝不能勝兆人詛。

不越樽俎○莊子庖人雖不治庖尸。祝不越樽俎而

代之矣。

徧取黍稷○嘏之禮。徧取黍稷。牢肉以授尸也。

祀事孔明○詩祝祭于祊。祀事孔明。

祝史矯舉○左傳季梁曰。祝史矯舉以祭。臣不知其

可也。

宜稼於田○嘏辭曰。宜稼於田。眉壽萬年。

宜穡於房○變黍言穡。欲重稼也。



量人舉授筭○周禮筭當為嘏

啐酒進聽嘏○儀禮嘏長也大也授尸以長大之福也

餽

不祭○餽餘不祭注食人之餘曰餽禮輕故不敢祭

從卑○父不祭子夫不祭妻注祭先也從卑處家故不祭

祭之末○記夫祭有餽餽祭之末也

神之惠○禮餽鬼神之餘惠術也可以觀政矣

君與卿○禮是故尸謾君與卿餽注謾起也

下餽上○禮記君起大夫餽臣餽君之餘也大夫起

士餽賤餽貴之餘也士起各執其具以出陳于堂下百官進徹之下餽上之餘也

歸胙

受釐○宣室受釐注釐祭餘也

致福○穀梁傳胙致福也

受膳○周禮膳夫祭祀之致福者受而膳之凡祭祀

受福者展而受之歸胙於公

執膳○傳祀有執膳戎有受胙

宰孔賜○宰孔賜齊桓公胙曰天子有事於文武使

孔賜伯舅胙



申生歸○傳申生祭于曲沃歸胙于公

親兄弟○以賑膳之禮親兄弟之國

賜諸侯○天王使石尚來歸賑賑祭餘肉所以賜諸侯與之同福也

修廢祭

晉修虞祀○晉滅虞而修虞祀且歸職貢於王者虞同宗也

燕祭齊廟○樂毅下齊七十城而修齊宗廟

為立良止○子產以伯有為厲立良止以撫之曰鬼有所歸乃不為厲吾為之歸也良止伯有子立為

大夫使有廟也

命祀康叔○衛遷帝丘成公夢康叔曰相奪予享公

命祀相甯武子曰不可鬼神非其類不歆其祀祀

鄩何事相之不享于此久矣乃止

注帝丘夏后相之舊都也

咸秩無文○周書祀于新邑咸秩無文

周始祀于新邑皆次序祀

之在禮無文者亦祀之

靡神不舉○詩靡神不舉

索神求廢○周禮荒正曰索鬼神注求廢祀而修之

與滅繼絕○論與滅國繼世

薄祭



潛確居類書 卷六十九
盡志○外則盡物內則盡志此祭之心盡物祭物備也

能貧○鄭子張命黜官薄祭曰貴而能貧可以後亡也

昭儉○傳清廟茅屋大路越席大羹不致粢食不鑿昭其儉也

薦信○傳蘋蘩蕒藻之菜潢汗行潦之水苟有明信

可薦于鬼神

一見祝史

祀無豐昵○書傳說戒高宗曰典祀無豐于昵

注無於親

近之廟而致豐

菲不廢禮○君子不以菲廢禮注菲薄也言雖薄儉而禮不可廢也

西鄰禴祭○東鄰殺牛不如西鄰之禴祭實受其福

禴薄祭也

晏子豚肩○晏平仲祀其先人豚肩不掩豆君子以爲隘也仲尼曰難爲下也譏平仲偏下也

物已僣卑○禮僣同係厭也謂物太卑薄也

淫祠

不歆○申生見狐突曰我將以晉畀秦秦將祀予狐突曰神不歆非類民不祀非族君祀無乃殄乎

淫祠

藝習五

淫祠

淫祠

無福○非所祭而祭之名曰淫祭。淫祭無福

媚竈○論與其媚於奧，寧媚於竈

卜河○楚昭王有疾卜之曰河為祟。大夫請祭。王曰

三代命祀，祭不越望。江漢淮漳，楚之望也。不穀雖

不德，河非所獲罪也。遂不祭。孔子曰：楚王知天道

也。注云：望，謂境內山川也。

祭埜○辛有適伊川，見被髮而祭於野者，曰：此其戎

乎。其禮先亡矣。

非族○禮記：非此族也不在祀典。

非類○詳不歆注。

誣祭○不首其義，故誣于祭也。首本也。

諂祭○非其鬼而祭之，諂也。

用蔡子○傳：楚靈王滅蔡，用隱太子于岡山，申無宇

曰：五牲不相為用，況于人乎。注：祭馬祖不用馬之類。

舍神君○武帝求神君，乃舍之於上林中，號礪氏館

神君者，長陵女子，以乳子死，見神於先後，宛若，宛

若祠之，其室人多往祠。帝外祖母平原君亦往祠

之，及上即位，厚禮致祠內，中聞其言，不見其人。注

先後，妯娌也。宛若，字也。

周公不享○傳：魯用人亳社。臧武仲聞之曰：周公其



不享魯祭乎

注以人祭殷社也周公享義魯無義也

漢武禁祠○漢武禁巫祠道中者無間名山神魏曹弘

與臨汾公主侍者共事無間神司馬芝案之

宮祠黃老○漢書郊祀志桓帝立黃老祠北宮躍龍

潭中以文罽為壇彩色炫耀

望祀蓬萊○漢書武帝紀大初元年十二月帝東臨

渤海望祀蓬萊

務鬼信巫○桓子新論管楚靈王驕逸輕下簡賢務

鬼信巫祝之道齊戒潔鮮以祀上帝羣臣躬執羽

綬起舞壇前吳人來攻其國人告急而靈王鼓舞

自若顧應之曰寡人方祭上帝樂神明當蒙福祐

焉不敢赴救而吳兵遂至俘獲其太子及后姬以

下

宋公祀睢社○宋公使邾文公執郟子用於次睢之

社子魚曰小事不用大牲而况敢用人乎又用諸

淫昏之鬼

注睢社非命祀故曰淫昏也

季氏旅泰山○季氏旅于泰山子謂冉有曰汝弗能

救與

瀆祀

神無常享○書鬼神無常享享於克誠



君有何福○春秋季梁謂隋侯君雖獨豐其何福之有

逮闇而祭○禮季氏祭逮闇而祭日不足繼之以燭

雖有彊力之容肅敬之心皆倦怠矣注自曉至冬以其久

跛倚以祭○有司跛倚以臨祭其為不敬大矣他日

祭子路與質明而始行事晏朝而退孔子曰誰謂

不繇也而不知禮乎注美之也跛倚偏立不敬也

禴祭不如○易東鄰殺牛不如西鄰之禴祭言奢而慢不如

儉而敬也

行潦可薦○詳薄祭

敬不足也○子路問諸夫子曰祭禮與其敬不足而

禮有餘也不若禮不足而敬有餘也注祭不敬則瀆祭主敬

神其吐之○吐之不飲也

不祀

無乃殄○狐突謂申生曰君祀無乃殄乎

不其餒○鬼猶求食若敖氏之鬼不其餒而

身不親涖○故君子之祭也必身親涖之有故則使

人可也雖使人不失其義者君明其義故也言苟

明祭義雖使人不失其義也

吾不與祭○子曰吾不與祭如不祭



不享久矣○詳前命祀康叔條



不祀忽諸○

湯征葛伯○葛伯不祀湯始征之

晉滅鄆舒○鄆舒不祀晉滅之路相

楚讓夔子○夔子不祀祝融與鬻熊楚人讓之

潜確居類書卷之六十九



国立国会図書館 タイトル『潜確居類書120巻』 請求記号 032-Ti282s

ガラス使用